

U skladu sa odredbama člana 12. i člana 15. Pravilnika o uvođenju, kategoriziranju i dodjeljivanju nagrada Fondacije „Idriz Jakupović“, na osnovu Izvještaja Komisije za dodjelu nagrada za životno postignuće iz humanog rada „Humanum fundatio“, u cilju promoviranja najviših civilizacijskih vrijednosti i postignuća u društvu u kategoriji humani rad, Upravni odbor Fondacije „Idriz Jakupović“ na svojoj 14.sjednici koja je održana dana 02.04.2018.godine u Prijedoru, donio je s l i j e d e ć u

ODLUKU

**o dodjeli nagrade za životno postignuće iz humanog rada
„Humanum fundatio“**

n a i m e

DORAJA EBERLE

iz Republike Austrije.

Obrazloženje

Komisija za dodjelu nagrade za životno postignuće iz humanog rada „Humanum fundatio“, u sastavu: Dr.med.dent.Ajdin Jakupović (Bosna i Hercegovina), predsjednik, Dr.med.dent.Željko Miljanić (Hrvatska), član, Prim.mr.sci.dr.med.Senada Mehadžić (Bosna i Hercegovina), član, Prof.dr.sci.Dragan Kolev (Srbija), član, Dr.med.dent.Amer Beganović (Bosna i Hercegovina), član, Dr.med.dent.Dino Šuvalić (Bosna i Hercegovina), član, i Zeid Mešić, project manager (Švicarska), član imenovana je od strane Upravnog odbora Fondacije „Idriz Jakupović“ odlukom broj: 03-02/2018 od 16.02.2018.godine da izvrši postupak vrednovanja nominiranih kandidata za dodjelu nagrade Fondacije u datoj kategoriji.

Za predmetnu nagradu Fondacije, u užem krugu izbora, nominirana su tri kandidata i to: Doraja Eberle iz Austrije, Almir Čehajić-Batko iz Bosne i Hercegovine i Igor Kremenović iz Bosne i Hercegovine.

Komisija je, u skladu sa datim Kriterijima (interni broj:KKDN-01-1/2018), izvršila vrednovanje nominiranih kandidata i zaključila da nominirani kandidat Doraja Eberle ima najveći rang osvojenih bodova, o čemu je sačinjen Izvještaj imenovane Komisije broj: N-1/HF od 30.03.2018.godine, koji je upućen Upravnom odboru Fondacije na razmatranje i usvajanje.

Razmatrajući predmetni Izvještaj Komisije, Upravni odbor Fondacije je na svojoj 14.sjednici koja je održana dana 02.04.2018.godine odlučio kao u dispozitivu.

U prilogu se dostavljaju relevantni biografski podaci o dobitniku nagrade.

Broj odluke Upravnog odbora: 01-05/2018

Datum Odluke:02.04.2018.godine.

Direktor Fondacije
Dr.med.dent.Ajdin Jakupović

Predsjednik Upravnog odbora Fondacije:
Prof.dr.sci.Sanel Jakupović

PRILOG

uz Odluku Upravnog odbora Fondacije za stipendiranje učenika i studenata „Idriz Jakupović“ o dodjeli nagrade za životno postignuće u humanom radu „*Humanum fundatio*“, broj: 01-05/2018 od 02.04.2018.godine:

BIOGRAFSKI PODACI O DOBITNIKU NAGRADE „*HUMANUM FUNDATIO*“

DORAJA EBERLE



Fotografija Doraja Eberle, Izvor: Internet, 2017.

Doraja Eberle (rod. *Mayr-Melnhof*) je rođena 2. augusta 1954. godine u Salzburgu, Republika Austrija. Po struci je diplomirana socijalna radnica. Kao treće od desetoro djece bivšeg pokrajinskog premijera Fridrich Mayr-Melnhof-a obrazovala se u Austriji, Njemačkoj i Švicarskoj, dok ju je posao odveo u Čile i Brazil. Diplomirala je Socijalnu akademiju u Beču 1976. godine. Od 1980. godine udata je za Aleksandra Eberlea (Alexander Eberle), sa kojim je usvojila dvoje djece.

Početak rata na području bivše Jugoslavije obilazila je ugrožena i ratom zahvaćena područja, kako bi se uvjerila u stanje i humanitarne potrebe ugroženog stanovništva. Odlučila je da lično pomogne ljudima u Bosni i Hercegovini i sa svojim suprugom je bila osnivač i prvi predsjednik humanitarne organizacije „*Bauern helfen Bauern*“¹ iz Salzburg-a od 1992. godine, sa misijom pružanja humanitarne pomoći za ratom zahvaćeno područje bivše Jugoslavije. Predsjednica je Upravnog odbora „*Humanitarna pomoć za Hrvatsku/Bosnu/Kosovo*“. Primjenila je univerzalan metod brzog i jeftinog građenja humanitarnih kuća na ratom zahvaćenom području i, tom aktivnošću, u proteklih 25 godina ukupno je izgrađeno 1162 kuća u 28 sela, sa troškovima gradnje u visini od 4000 EUR-a po stambenoj jedinici. Druga težišta rada Udruženja pored gradnje kuća od početka su bili humanitarni paketi sa životnim namirnicama i stvarima. Važno jezgro djelovanja je podrška izbjeglicama prilikom povratka u njihove domove. Od 1993. do 1995. iz Slovenije su otpremeni paketi hrane na ugrožena područja za izbjegle Hrvate sa Kosova; od 1996. do 1997. pomoć u stvarima za izbjeglice iz bivše Krajine i za škole, ljekare, veterinare (lijekovi), od tada također je pružena podrška Psihijatrijskoj klinici u Jakešu (BiH), gdje su pacijenti i medicinsko osoblje opskbljivani sa lijekovima i životnim namirnicama, u 1997/98 pomoć za oko 8000 ljudi u Odžaku. Od 1999. godine postoji projekat pomoći u Banja Luci, gdje je također podržan povratak i gradnja kuća. Udruženje je organizovalo transport životnih namirnica i za Albaniju, zatim za Sarajevo i za Caritas u Zagrebu. U Albaniji je finansijski podržan izbjeglički kamp „*Selo mira*“.

Od 2000. godine Udruženje pomaže ponovnu izgradnju, povratak prognanika i ponovno oživljavanje razrušenih lokalnih zajednica u Srebrenici i u cijeloj Bosni i Hercegovini, bez obzira na etničko porijeklo ljudi. Pored obnove naselja obnavlja se i infrastruktura, u šta se ubrajaju izgradnja puteva, medicinska opskrba, izgradnja škola i uklanjanje mina. Podržavaju se projekti samopomoći i održivog povratka (poljoprivredna proizvodnja, mali obrti i preduzeća sa djelomičnim povezivanjem sa stranim tržištima i slično).

¹ (prijevod naziva organizacije: „*Seljaci pomažu seljake*“)

U Bosni i Hercegovini je prisutna u regiji Srebrenice sa registrovanom Fondacijom „Bauern helfen Bauern“ iz Bratunca. Na području Prijedora je sa organizacijom „Bauern helfen Bauern“ aktivno djelovala u mnogim značajnim humanitarnim misijama u periodu od 2000 - 2010.godine. Od 2011.godine je član Upravnog odbora Fondacije „ERSTE Stiftung“ iz Beča. Dužnost predsjednice austrijske Fondacije „ERSTE Stiftung“ obavlja od 2012. godine.

Bivša je austrijska političarka (ÖVP). Od 1983 do 1989 bila je vijećnica u Općinskom vijeću u Grödig – u., od 1995 do 1999 predsjednica mjesnog pokreta žena ÖVP u Grödig – u. Od 2004.-2010.godine bila je Ministrica za kulturu, omladinu, porodicu, djecu, obrazovanje odraslih u pokrajinskoj Vladi Salzburga. Putem Vlade u Salzburgu inicirala je 2007.godine uvođenje i dodjelu nagrade za humanost „Liesl-Geisler Preis“, prema domaćici „Krimlovog domaćinstva“ (Krimmler Tauernhaus) Liesl Geisler koja je nakon Drugog svjetskog rata pomogla više od 5000 Jevreja prilikom njihovog bijega preko Italije za Palestinu.

Doraja Eberle je dobitnica prestižnih nacionalnih i međunarodnih nagrada i počasnih priznanja, a neke od najvažnijih nagrada su sljedeće:

- 1996: Goldenes Verdienstzeichen des Landes Salzburg (Zlatna značka pokrajine Salzburg)
- 2005: Europäische Friedensrose Waldhausen (Evropska ruža mira Waldhausen)
- 2006: Mitteleuropa-Preises des IDM – Institut für den Donaauraum und Mitteleuropa (Srednjoevropska nagrada Instituta za dunavsku regiju i Srednju Evropu)
- 2006: Kiwanis Ehrenpreis (Počasna nagrada Kiwanis)
- 2008: Kardinal-Opilio-Rossi-Medaille (Medalja kardinala Opillio Rossi)
- 2011: Ehrenzeichen des Landes Salzburg (Počasna značka pokrajine Salzburg).